

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U VISOKOM
Broj: 041-0-SU-19-000 756
Visoko, 3.5.2019. godine

Na osnovu člana 70., člana 71. i člana 100. stav (3) Zakona o javnim nabavkama („Službeni glasnik Bosne i Hercegovine” broj 39/14), rješavajući po žalbi ponuđača „Svjetlostkomerc“ d.d. Sarajevo, Muhameda Kantardžića 3 Sarajevo, izjavljenoj na Odluku o izboru najpovoljnijeg ponuđača, broj 041-0-SU-19-000 729 od 26.4.2019. godine, predsjednik Općinskog suda u Visokom donosi

O D L U K U
o usvajanju žalbe ponuđača
i poništenju Odluke o izboru najpovoljnijeg ponuđača

1. Usvaja se žalba ponuđača „Svjetlostkomerc“ d.d. Sarajevo, Muhameda Kantardžića 3, Sarajevo, broj 01-743/2019 od 30.4.2019. godine, uložena na Odluku o izboru najpovoljnijeg ponuđača, broj 041-0-SU-19-000729 od 26.4.2019. godine.

2. Poništava se Odluka o izboru najpovoljnijeg ponuđača broj 041-0-SU-19-000 729 od 26.4.2019. godine i Zapisnik o ocjeni ponuda broj 041-0-SU-19-000728 od 25.4.2019. godine.

3. Shodno članu 70. stav 6. Zakona o javnim nabavkama BiH, ova Odluka se objavljuje na web stranici suda i to istovremeno sa upućivanjem Odluke o poništenju ponuđačima koji su učestvovali u postupku javne nabavke.

4. Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj 041-0-SU-19-000591 od 8.4.2019. godine, u kojoj je predviđeno da je procijenjena vrijednost javne nabavke kancelarijskog materijala za potrebe Općinskog suda u Visokom za 2019. godinu, bez PDV-a 14.530,00 KM.

Tenderska dokumentacija i Obavještenje o nabavci broj 4256-7-1-8-3-1/19 od dana 9.4.2019. godine, objavljeno je na Portalu javnih nabavki 9.4.2019. godine.

Postupak javne nabavke roba-Nabavka kancelarijskog materijala za potrebe Općinskog suda u Visokom za 2019. godinu, proveden je putem konkurentskog zahtjeva za dostavu ponuda broj 041-0-SU-19-000 604 od 9.4.2019. godine.

Komisija za javne nabavke Općinskog suda u Visokom, imenovana rješenjem predsjednika Općinskog suda u Visokom, broj 041-0-SU-19-000578 od 4.4.2019. godine, dostavila je dana 25.4.2019. godine predsjedniku Općinskog suda u Visokom, Zapisnik o ocjeni ponuda broj 041-0-SU-19-000728 od 25.4.2019. godine, sa preporukom o izboru najpovoljnijeg ponuđača za nabavku roba-Nabavka kancelarijskog materijala za potrebe Općinskog suda u Visokom za 2019. godinu.

U postupku po dostavljanju Zapisnika o pregledu i ocjeni ponuda konstatovano je da je Komisija za javne nabavke blagovremeno izvršila javno otvaranje ponuda i ocjenu prispjelih ponuda, te da je blagovremeno prispjelih tri ponude, sljedećih ponuđača:

1. „Svjetlostkomerc“ d.d. Sarajevo Muhameda Kantardžića 3 Sarajevo (cijena ponude bez PDV-a 18.669,00 KM)
2. „PlanPlus“ d.o.o Hasana Muminagića 2a Zenica (cijena ponude bez PDV-a 20.702,60 KM)
3. „Defter Komerc“ d.o.o Azize Šaćirbegović bb Sarajevo (cijena ponude bez PDV-a 14.524,40 KM)

Komisija je nastavila sa radom radi formalno pravne i suštinske provjere prispjelih ponuda, te analizom dokumentacije utvrdila da je jedna ponuda kvalifikovana i prihvatljiva za ugovorni organ, jer je dostavljena shodno odredbama zakona i općim aktima ugovornog organa, tenderskoj dokumentaciji te utvrđenom kriteriju za vrednovanje ponuda "najniža cijena": »Defter-komerc« d.o.o. Azize Šaćirbegović bb Sarajevo, broj ponude 05-04/2019 sa ponuđenom cijenom 14.524,40 KM bez PDV-a.

Nakon što je konstatovano da je jedna ponuda prihvatljiva za ugovorni organ, Komisija je shodno članu 3. Pravilnika o uslovima i načinu korištenja E-aukcije ("Službeni glasnik Bosne i Hercegovine", broj 66/16), konstatovala da nema uvjeta za provođenje E-aukcije, te okončala postupak javne nabavke u skladu sa članom 69. Zakona o javnim nabavkama.

Na osnovu prihvaćene preporuke Komisije za nabavke, a u skladu sa članom 64. stav (1) tačka b), donesena je Odluka o izboru najpovoljnijeg ponuđača broj 041-0-SU-19-000 729 od 26.4.2019. godine kojom se ugovora za najpovoljniju ponudu dodjeljuje ponuđaču »Defter-komerc« d.o.o, Azize Šaćirbegović bb Sarajevo, broj ponude 05-04/2019 od 25.4.2019. godine sa ponuđenom cijenom 14.524,40 KM bez PDV-a

Odluka o izboru najpovoljnijeg ponuđača broj 041-0-SU-19-000 729 od 26.4.2019. godine, sa Zapisnikom o ocjeni ponuda broj 041-0-SU-19-000728 od 25.4.2019. godine i Obavještenjem o rezultatu postupka javne nabavke broj 041-0-SU-19-000730 od 26.4.2019. godine, dostavljeno je svim ponuđačima koji su učestvovali u postupku javne nabavke, dana 26.4.2019. godine.

Ponuđač „Svjetlostkomerc“ d.d. Sarajevo, Muhameda Kantardžića 3 Sarajevo, izjavio je žalbu broj 01-743/2019 od 30.04.2019. godine, koja je zaprimljena pod brojem 041-0-SU-19-000751 dana 3.5.2019. godine, na predmetnu Odluku o izboru najpovoljnijeg ponuđača broj 041-0-SU-19-000 729 od 26.4.2019. godine.

U žalbi žalitelj navodi da je ponuđač „SVJETLOSTKOMERC" d.d. Sarajevo u skladu sa zahtjevima TD pripremio i u roku dostavio svoju ponudu za učešće u navedenom Konkurentskom zahtjevu, što je Ugovorni organ i konstatovao u Zapisniku o otvaranju ponuda broj. 041-0-SU-19-000 723 od 25.04.2019. godine, kao i u Zapisniku o ocjeni ponuda sa sjednice održane dana 25.04.2019. godine u prostorijama Općinskog suda u Visokom u 13,00 sati broj: 041-0- SU-19-000 728 od 25.04.2019. godine. Ponuđač je dakle, dostavio svoju ponudu u skladu sa kvalifikacionim uslovima iz člana 45. ZJN BiH - lična sposobnost, člana 46. ZJN BiH - sposobnost obavljanja profesionalne djelatnosti, člana 49. ZJN BiH - tehnička i profesionalna sposobnost, i svim ostalim zahtjevima TD.

Žalitelj dalje navodi da je Komisija u navedenom Zapisniku konstatovala da ponude „SVJETLOSTKOMERC" d.d. Sarajevo i „Plan Plus" d.o.o. Zenica *nisu prihvatljive jer prelaze iznos procijenjene vrijednosti javne nabavke bez PDV-a od 14.530,00 KM*, ne navodeći pri tom nikakav drugi eliminatorni razlog, koji bi doveo do toga da ponude navedenih ponuđača nisu prihvatljive te je dalje utvrdila da je jedna pristigla ponuda prihvatljiva za Ugovorni organ, jer je dostavljena shodno odredbama zakona i općim aktima Ugovornog organa, te utvrđenom kriteriju za vrednovanje ponude.

Nakon gore navedenog, komisija je, kako se u žalbi navodi, pozivajući se na član 3. Pravilnika o uslovima i načinu korištenja E-aukcije („Sl. glasnik BiH", br, 66/16) konstatovala da nema uvjeta za provođenje E- aukcije, te je okončala postupak javne nabavke u skladu sa članom 69. ZJN BiH.

Žalitelj dalje navodi da je Ugovorni organ na navedeni način, iz postupka javne nabavke eliminisao dva ponuđača, pri tom ne uzimajući u obzir ništa drugo osim visinu ponude. Ponuđači su svoje ponude dostavili blagovremeno i potpune, a sve u skladu sa zahtjevima TD. Ugovorni organ je zanemario činjenicu da je TD predvidio korištenje e-aukcije, na kojoj bi i ostala dva ponuđača uzela učešće. Kako je prema članu 1. stav (3) Pravilnika o uslovima i načinu korištenja E-aukcije („Sl. glasnik BiH”, br. 66/16) e-aukcija način provođenja dijela postupka javne nabavke, koji uključuje podnošenje novih cijena, izmijenjenih naniže, a koji se odvija nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu e-Nabavke, budući da su ponude ponuđača bile blagovremene, potpune, zakonite i u skladu sa zahtjevima TD, Ugovorni organ nije smio nezakonito diskvalifikovati ostala dva ponuđača, samo zato što njihove ponude *prelaze procijenjene vrijednosti javne nabavke bez PDV-a 14.530,00 KM*, zanemarujući pri tom drugi dio postupka odnosno e-aukciju. Iz navedenih razloga proizilazi da je Ugovorni organ postupio suprotno članu 3. stav (1) ZJN BiH, te ponio se diskriminirajuće u odnosu na dva ponuđača.

Zbog svega navedenog žalitelj predlaže Ugovornom organu da, nakon što primi Žalbu, razmotri i uvaži navode iz Žalbe, te u skladu sa prijedlogom iz žalbe provede postupak e-aukcije čije je korištenje i sam naveo u TD, te donese novu odluku o izboru najpovoljnijeg ponuđača.

Ugovorni organ je u skladu sa članom 100. stav (3) utvrdio da je žalba blagovremena, dopuštena i izjavljena od ovlaštenog lica.

Slijedom navedenog, nakon što su navodi iz žalbe preispitani, prema stanju u spisu, nakon ponovnog uvida, te analize svakog dokaza pojedinačno i u njihovoj međusobnoj vezi, ugovorni organ je utvrdio da su žalbeni navodi osnovani, te donio odluku kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi Bosne i Hercegovine putem Ugovornog organa u roku od 5 (pet) dana od dana prijema ove odluke. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

Dostavljeno:

1. Ponuđačima x3
2. Komisiji za javne nabavke x1
3. Odsjeku za opće i računovodstveno-materijalne poslove
4. a/a.

